

Un'kaan akà Angalàtyà Nsema

U mbul wà nkam tär kusà a mboör a Yesu Klisto, Baselete Golwa anàsin tii ka Azi Minöör (nàbawà bàfàbel naa Türki a Azi), ba bàbwaay paa. Itoo aba, Angalàtyà, bàwel itiir a meen a bul bàfàbel naa Ankara. Bumwey bàyà Làsànj Anàbwanj u ngwal a ntööm Pòl unsà nkyeen a isal ande yàyweel anà yàtär (Ian 16.6; 18.23).

Baar bumwey bàyilabà ntööm Pòl. Baar abà bàyiloonà naa aklisto mpa abà itoo a Ayudà, bàlab un'koon a Ayudà anà ba sye bàkyer akyey. Wée akà Pòl, nde kàmen naa ndööm atubàyi ya balàbal yatey a Làsànj a Yesu Klisto: ya yàsyee aklisto a Ngalàtyà unsà iso a dweelà. Mpal kàwem nde, mbalà yumwey kà Efeso, naa baar abà bàmenà naa ban'kyey ndaa a anankir ande, nde kasöön un'kaan mwey wàngwal.

Pòl kàkyer mbalà tär ntòn mufuur atonj abà u mbwo a « Làsànj Anàbwanj »:

- Nde wàmütàswanj ndaa ayà kan'man nde uboo a möö ande ñakwo asànaa: mbuul a mpem ande, mbwo kàwel nde u Ndwa a Nzam a Yelusàlem, naa aklisto mpa abà itoo a Ayudà, bàfàlab tey un'koon a Ayudà, nde kàngwenj anà ntööm Petolà ntòn mbar bàtsul musyàäl un'koon

awà. Pól wà mukyey a iköb naa nde wà ntööm, anà wà mundyär ngwalàngwal naa buur abà sye Mwól kun'pɛ.

- Nde wàmuswan u mbwo a in'kaan a Nkwà Itaan naa, möö watɛy mulab un'koon a Ayudà, wɛɛ wàmusà làkwikilà akà Yesu Klistɔ mpɛl.

- Mumay, nde wàmulom naa wɛy Dweelà a Nzam ukäär möö abɛ, ntɔn Dweelà afàbɔr ndaa akuñ yifà ifa, sin sin ukwen.

- Iköön imwɛy imwɛy, un'klistɔ umwɛy umwɛy uwem làbɔl alá anà akyey la ungyɛl a mpem, ntɔn mulwomà unsà iso.

Mbɔr

¹ Pól, ntööm, kà unsà ngwal a baar itàkal u mbwo a mbuur mwɛy anki, wɛɛ u mbwo a Yesu Klistɔ anà Taa Nzam awà kun'wiiy uboo a aku,

² anà atɔŋ banswà abà anà mɛ, mɛ an'pà mbɔr akà Iköön abyà u Ngalàtyà:

³ Wɛy kab a ngway anà duu a Taaràbi Nzam anà Mwól Yesu Klistɔ byàkal anà bɛ.

⁴ Klistɔ kàpɛ möö ande ñakwo ntɔn man'be abi, ntɔn mukigyɔɔr u mɛɛn an'be mǎ, unsà ukwen a Nzam, awà Taaràbi.

⁵ Wɛy làkoo làkal anà nde mbul a in'tye! Wówóó.

Làsanj Anàbwanj là làmwɛy mpɛl.

⁶ Mɛ in'wà unsà ubem muman naa bɛ làbà nswey musakɔɔb mbuur awà kálabel u mbwo a

kab a ngway a Klisto, nton mulab Lásan Anàbwan lánsoön.

⁷ Naa, Lásan Anàbwan asin lánsoön latey, wée bà anà baar uboboo abe bakwen mukalatwääl lingyooma ana musoom Lásan Anàbwan abar la Klisto.

⁸ Wée nàbawà, isàkal naa we anà mbuur mwey, itàkal bi, itàkal sye naa un'kyeey kan'fà du, kàmàlakyään Lásan Anàbwan lánsoön anà la akwà kàlakyään bi, wey nakaan kun'käär!

⁹ Bi kàkyàten ya itaan, me ya an'fàten apanà naa: isàkal naa we anà mbuur mwey kan'ya mukàlakyään Lásan Anàbwan lánsoön anà la akwà làwel be, wey nakaan kun'käär!

¹⁰ Nton, apanà, nkye me in'wàmulen ubwan akà baar lee akà Nzam? Naa nkye, me in'kwen musà laböön akà baar? Ilàkal naa me alàkwen musa laböön aka baar, me alafakal anki un'syaäl a Klisto.

Pòl kàbulà aben ntööm

¹¹ Nton, aton, me alàkyään naa: Lásan Anàbwan kàlakyään me, la kà là an'kyän a mbuur a meen anki.

¹² Nton la kà mbuur kan'pe anki, itàkal naa mbuur kan'löön, wée u mbwo a imeey a Yesu Klisto.

¹³ Nton, be làkyàwem itaan nkääl kàkàl me ayà uboo a iyudà: naa sye un'fur a nkyel nà me kàkàl awà, umpal kàmeeya me Ikoöñ a Nzam nkwaan nton mupay kya.

¹⁴ Mɛ, mɛ kàkyen usà unsà iyudà, mulyaan bàmbɔɔn uboo a nkòöl amɛ anà uboo a làfuun amɛ u mbwo a un'kana amɛ ntɔn nkaäl a ankaa amɛ.

¹⁵ Wɛɛ Nzam, unsà kab a ngway ande, nde kan'sööl fà an'bal a maa anà kan'bel mukun'syaäl, nde kàmen naa yà ubwan

¹⁶ nde kan'mɛɛy Mwan ande, ntɔn mɛ in'kyään Làsan Anàbwan ande akà baar mpa abà Ayudà, ukɔɔn alab an'lwen a mbuur,

¹⁷ itàkal mubeenà Yelusàlem ntɔn mukàbweey anà baar abà bàbulà antööm kusà a mɛ, mɛ kàkyen Arabi. Ungö apan mɛ kàfurà Damas.

¹⁸ Ungö a mbul tär, mɛ kàbeenà Yelusàlem ntɔn mukàbweey anà Petlà. Mɛ kàkyer ilä kwem anjityeen apà nde.

¹⁹ Mɛ kàmen anki ntööm asin, nà Zyak mpel, un'tɔn a Mwol.

²⁰ Ya amàlasöön mɛ yi, mɛ an'ten u mii a Nzam, kà loor anki.

²¹ Apan, mɛ kàkyen itiir a Silya anà Silisi.

²² Wɛɛ Iköön a aklistɔ abyà u Yuday byàyob anki ntabwey amɛ.

²³ Bya byàwem mpel naa: « Mbuur akwà kàyimɛyà bi nkwaan sɛmà itaan, nàbawà nde wàmuyilɔn lakwikilä alä kàsi nde mukuünä mudwa la. »

²⁴ Wɛɛ bya byàsyee Nzam lakoo ntɔn mɛ.

2

Pɔl anà antööm bumwey ban'bwà mun mwɛy

¹ Ungö a mbul kwem aninà, me kàfàbeenà Yelusàlem anà Banabas, me kàsyen sye anà Titò.

² Kyekà, me kàbeenà ntòn imëy kàwël me, anà me ba kasam Làsan Anàbwan in'fàlɔɔn me akà baar mpa aba Ayudà. Me la sye kàyisaamà u mpey akà andweer a Ikööñ, manà naa isal kàkyer me anà in'yàkyer me apanà ikööñ akal ndoñ.

³ Wë ya yàmenà naa itàkal Titò, un'geleki kàyisalà anà me, bun'siinà anki a ngwal muwal nkyëy,

⁴ itàkal abwey, aton abe abà bàyàbilà uboboo abi, bàtwaäl ipaay unsà nsaay abi yan'fà akà Yësu Klistò, ba bàkwen mukibuul asò a un'kɔɔn.

⁵ Wë bi, bi kàkyey anki isò a baar aban akà ikikye, itàkal mutuüb anà ba u kitaan, ntòn ndandaa a Làsan Anàbwan yakàl ipepey ntòn be.

⁶ Baar bàkal asànaa bàntal, bàkal kaben, me kwo watëy. Ntòn Nzam ufàler anki ntabwey a baar. Wë akà me, ba sye ban'swen anki akà undiir mwey a ngwal.

⁷ Kyekà, ba bàkyàman naa me ban'pe buur a Làsan Anàbwan ntòn baar mpa abanàkyey, asànaa bàpe akà Petlà ntòn baar anàkyey.

⁸ Ntòn mbuur kàkyer naa Petlà ukàl ntööm ntòn baar anàkyey, mbuur nsil sye wa kàkyer naa me in'kal ntööm ntòn baar mpa abà Ayudà.

⁹ Umpal bàyöb Zyak, Petlà anà Ywan abà bàkal asànaa an'ta a Ikööñ, naa kab a ngway alà bàpe akà me, ba bipe an'kɔɔ, me anà Banabas, muswan

un'tüüb uboo a ba anà bi, ntòn bi ikyen akà baar mpa abà Ayudà, wé ba bàkyen akà baar anàkyey.

¹⁰ Yàlòm naa bi ikyer undiir mwey mpel: muyobà anàlambwà. Mè wa sye kàkyàkyer agyàgyà.

Pól kan'ñān Petlā

¹¹ Wée mpal kàyi Petlā kà Antyoṣha, mè kàtòn ndaa ande u mii a baar, ntòn nde kàkal anà ikwàndwà.

¹² Ntòn, kusà a ngyeel a baar abà kàtòim Zyak, nde kàdyee ikal imwey anà baar mpa abà Ayudà. Wée mpal bàyàkòlā ba, nde kàkaabà anà baar mpa abà Ayudà, waa kàkal u mpey, ntòn nde kàmen bōomà a Ayudà aban.

¹³ Ayudà bumwey bàbilā uboo a pfūrā ande, kyakin Banabas nde ñakwo sye kàbilā uboo a pfūrā alā.

¹⁴ Wée mpal kàmen mè naa nkāāl aba yàkal anki balàbal anà Lāsāñ Anàbwan, mè kàtèn a Petlā u mii a baar baṣwà naa: « Isàkal naa ngye mbuur awà Un'yuda, nkāāl angye ya asānaa ya baar mpa abà Ayudà, kà ya Ayudà anki, aben ngye akaswanà baar mpa abà Ayudà naa ba bàkal nkāāl mwey ya anà Ayudà? »

Ayudà anà baar mpa abà Ayudà, mōō bàfàwà unsà làkwikilā.

¹⁵ Bi, bi ibà Ayudà fà mboör, wée bi kà ibà baar mpa abà Ayudà anki, baar a man'be bà.

¹⁶ Mpalàbà, bi kan'yoòb naa akà mbuur a balàbal mwey watèy naa ntòn nde afàlab isal a un'kòon, wée unsà làkwikilà amu Yesu Klistò mpel. Bi, bi sye kàsi làkwikilà amu Yesu Klistò, ntòn bi ikàl bàbalàbal unsà làkwikilà amu Klistò, wée kà unsà isal a un'kòon anki. Ntòn, akà mbuur mwey usàkal anki balàbal unsà isal a un'kòon.

¹⁷ Wée, isàkal naa bi kàlènà mukal bàbalàbal amu Klistò, bi sye bàmenà naa bi ibà baar a man'be. Nkye Klistò kàlàkal un'syaäl a man'be? Ikwo anki akà ikikye.

¹⁸ Kyakin, isàkal naa mè an'fàtòn ya akwà kàbwaab mè, abun, ikaswanà naa mè in'wà un'bee y a un'kòon.

¹⁹ Ntòn yà u mbwo a un'kòon wa mè kàkù unsà un'kòon, ntòn mè in'kàl anà mòö amu Nzam. Mè, mè in'wà anàbèerà u kulunsi anà Klistò,

²⁰ mè in'we anà mòö, wée kà mè anki, Klistò awe anà mòö amu mè. Ntòn mòö amè wà imbuur, wa wà unsà làkwikilà, làkwikilà amu Mwan a Nzam awà kan'kwen anà kàpè mòö ande ntòn mè.

²¹ Mè in'piy anki kab a ngway a Nzam bwà. Ntòn, kya isàkal naa yà unsà mbwo a un'kòon mbuur kan'kwo mukal wàbalàbal umii a Nzam, abun Klistò kàkù wà bunàbun.

3

Un'kòon lèe làkwikilà

¹ O insil a Angalàtya! Nà kàlálò? Kyekà, Yesu Klistò awà bàbèerà u kulunsi bun'swen u mii a be.

² Me aláàsà mfuul mwey mpel: Nkye be Dweelà làwèl ntòn làsyàalà be un'koon lee ntòn làwem be Làsan Anàbwan anà làsi be làkwikilà amu la?

³ Abà, nkye be làbà insil? Utàtweb be làsemà a Dweelà, nkye nàbawà be làkwen mukàtsu' a ndür?

⁴ Nkye mboon a mpay lamen be yàkai yà bunàbun? Ikwo anki naa ya ikai yà bunàbun!

⁵ Mbuur afalapà Dweelà anà afàkyer impà uboo a be, nkye nde bya afàkyer ntòn làfàlab be Un'koon lee, ntòn làwem be làsan a làkwikilà?

⁶ Ntòn Abàlam kàkai anà làkwikilà amu Nzam, kyakin kàmenà nde wàbalàbal.

⁷ Làyòb abun naa: baar abyè anà làkwikilà bà baan a Abàlam.

⁸ Abà sye, Ndaa Anàson yàten naa Nzam asàkyey baar mpa abà Ayudà, ntòn làkwikilà aba. Kyakin bàsam ba Làsan Anàbwan alá kusà akà Abàlam naa: « In'sen myanswà myàsàwal nsaak amu ngye. »

⁹ Kyakin, baar abà anà làkwikilà ban'wal nsaak mbwo mwey anà Abàlam, anàlàkwikilà.

¹⁰ Ntòn, asyàal a un'koon banswà bà unsà un'kuul. Ntòn bàson naa: « Wey nakaan udi mbuur wanswà afàkoon asà mukuühà mukwey ndaa yanswà bàson uboo a Un'kaan a un'koon. »

¹¹ Yà ndandaa naa akà mbuur mwey wàbalàbal watèy kusà a Nzam u mbwo a un'koon, ntòn bàson naa: « Mbuur a balàbal asàkal anà mōō ntòn làkwikilà. »

¹² Kyekà, un'koon làbèen latey anà làkwikilà, asànaa itèenà Ndaa Anàson naa: « Mbuur asàkwey nswèen a un'koon awà, asàkal anà mōō amu wa. »

¹³ Klistō kàfūr ntōn mukitwey unsà un'kuül a un'koon, nde ñakwo kàbulà un'kuül ntōn bi, ntōn bàsōn naa: « Wey ukal anàkuül mbuur wanswà ban'beerà kà un'te. »

¹⁴ Ya abun naa lásaak a Abàlam làsàtoöl akà baar mpa abà Ayuda u mbwo a kab a ngway a Yesu Klistō, naa bi banswà isàwal Dweelà kàpe Nzam ilää u mbwo a làkwikilà.

Un'koon anà ilää

¹⁵ Atōñ, mbar bi itàten unsà imbuur: isàkal naa kyañ kàsōn mbuur là u mbwo a la, akà mbuur mwey ukwe anki mulwom itàkal mukwey undiir uboo a la.

¹⁶ Abun, ilää bàpe akà Abàlam anà akà ngyaäl ande, bàten anki naa: « anà akà akyee ande » asànaa ya iler un'kàbō, wèe ntōn mbuur mwey mpel unsà itoo a Abàlam, ikaswanà naa Klistō.

¹⁷ Abun, le an'kyān amē: kyañ a balābal, Nzam la kadi kusà. Un'koon kàsàyà ungo a mbul nkam nà a an'kwem an'tār, ukwe anki mudwa kyañ alà. Naa tey, ilää aki isàbulà undiir a bunàbun.

¹⁸ Ntōn, isàkal naa kwal bàfàwal u mbwo a Un'koon, abun ifàkal anki naa u mbwo a ilää. Wèe kyekà ilää aki Nzam kya kàpe akà Abàlam unsà kab a ngway ande.

¹⁹ Apanà, mfun a un'koon nkye? Wa kàyi ntōn muswan ube a baar, tii kunà usàyà ikyee a

Abàlam awà bàpɛ ilää. Ilää aki akyeey bàkyään u mbwo a mfurboo mwey.

²⁰ Kyekà, nkalsà awà kà wà ntɔn mbuur mwey mpel anki, wɛɛ Nzam wà mwey.

Isin a Un'koon

²¹ Abun, nkye Un'koon afàmbaär ilää a Nzam? Naa, akà ikikye! Wɛɛ yalàkal naa Un'koon we anà ikɔb apà mɔɔ, abun balàbal sye lalàfà u mbwo a wa.

²² Wɛɛ Ndaa Anjàson yàkyàsà mɛɛn manswà ungyel a ikɔb man'be. Kyakin, unsà làkwikilà amu Yesu Klistɔ, ilää waa isàkwo akà anàlàkwikilà.

²³ Kusà a ngyeel a làkwikilà, bi kàkal atsuün a un'koon, tii umpal lalàmenà làkwikilà alà.

²⁴ Kyakin, un'koon kàkal un'leer abi tii u ngyeel a Klistɔ, ntɔn bi ikàl bàbalàbal u mbwo a làkwikilà.

²⁵ Wɛɛ, ungo a ngyeel a làkwikilà, bi ifàkal anki kà an'koo a un'leer awà.

²⁶ Ntɔn bɛ banswà, bɛ làbà baan a Nzam u mbwo a làkwikilà amu Yesu Klistɔ.

²⁷ Inye, bɛ banswà abà lawel nduümà amu Klistɔ, bɛ làkyàbwaar Klistɔ.

²⁸ Kyakin, Un'yudà itàkal Un'geleki ufàkal anki. Un'tsuün itàkal un'nsaay ufàkal anki. Baal itàkal un'kaar ufàkal anki. Ntɔn bɛ banswà làbà mwey amu Yesu Klistɔ.

²⁹ Kya isàkal naa bɛ làbà baar a Klistɔ, bɛ làbà itoo a Abàlam anà anàkwàl unsà ilää.

4

Ngýe afàkal anki un'sɔ, wɛɛ mwan

¹ Mɛ in'ten abà: isàkal naa un'kyee a kwal wà mwan umbey, nde nsöön watey anà un'tsuüŋ, itàkal naa nde wà nkum a indiir byanswà,

² wɛɛ nde wà ungyel a baar báfàkaar indiir ande anà baar abye anà buur a bya, tii mpal isàkwo ilà kási taarànde.

³ Bi sye, mpal kakál bi ambey, bi kàkal atsuüŋ.

⁴ Wɛɛ umpal làkwe taan, Nzam kàtöm Mwan ande: bun'boŋ akà un'kaar mwɛy, bun'boŋ ungyel a un'kɔɔn,

⁵ ntɔn mutsuun baar bàkal ungyel a un'kɔɔn, ntɔn bi ibulà baan anàywaan nkà.

⁶ Ntɔn làbà bɛ baan, Nzam waa kàtöm Dweelà a Mwan ande uboo a mpem abi, Dweelà afàsà un'kwɛŋ naa: « Aba » iswanà naa Taa!

⁷ Kyakin, ngýe afàkal un'tsuüŋ anki, wɛɛ mwan. Ngýe sye awà ikyee asànaa amà an'yilà a Nzam.

Nkyän a Pɔl

⁸ Itaan, umpal mpa layobà bɛ Nzam, bɛ làkalà atsuüŋ a itek, kuten anàbwan bya kà bānzam anki.

⁹ Wɛɛ mpalàbà lan'yob bɛ Nzam, anà nde sye kàmàlayob, aben lan'fàfurà bɛ akà indiir ikɔɔn ngwal anà byānswen abyà ifāyaal meen? Nkye bɛ làkwen mufàbulà atsuüŋ a bya?

¹⁰ Bɛ, bɛ làfàkyɛɛl ubwanàbwan ilà, nsöŋ, an'panà anà mbul!

11 Bɛ, bɛ lãman'pà bɔɔmà: nkye isal kãkyer mɛ amu bɛ ikyà bwà?

12 Atɔŋ, mɛ amàlabɔɔn, làbulà asànaa mɛ, ntɔn mɛ kãkyàbulà asànaa bɛ. Akà ube mwey lan'kyer bɛ batey.

13 Bɛ làkyàyɔb ubwanàbwan naa u mbalà atàtwɛb kàlakyään mɛ Làsan Anàbwan, mɛ kàkàl anà ukyal.

14 Ukyal abà bàkàl nsii ntɔn bɛ. Wɛɛ bɛ lan'saal anki, lan'piy anki. Kyekà, bɛ lan'wel asànaa un'kyeey a Nzam, asànaa Klistɔ Yɛsu.

15 Abun, wàken un'sak kàkàl anà bɛ? Ntɔn mɛ amàlateɛl imbal ki: kya bɛ làlàkwo, bɛ làlàswaam mii abɛ ntɔn mukan'pà!

16 Nàbawà, nkye mɛ an'bulà ŋankir abɛ ntɔn amàlakyään mɛ ndandaa?

17 Ukwen anàsɔɔn abà akà bɛ kà bà mpelàmpel anki, wɛɛ ba bàkwen mpel mukàlakaab anà mɛ, ntɔn bɛ làbääb anà ba.

18 Yubwan muswan ukwen abye anà imbal anàbwan taan lanswà, wɛɛ kà nà utaan kàkàl mɛ apà bɛ mpel anki,

19 baan amɛ, abà in'fàkamanà mɛ un'swan abɔr tii umpal usàmenà Klistɔ amu bɛ.

20 Apanà, mɛ in'kwen mukal apà bɛ, ntɔn mulɔɔn nteɛn amɛ akà bɛ, ntɔn mɛ in'yɔb anki naa mɛ ininà in'kyer ntɔn bɛ!

Agar anà Saal

21 Lan'kyään, be baar làkwen mukal u ngyel a un'koon: nkye be làfawem anki ndaa ufaten un'koon awà?

22 Nton bàsòn naa Abàlam kàbör baan abaal bōl: mwey a un'syāal un'kaar, mwey a un'kaar a nsaay,

23 mwan baal a un'syāal un'kaar bun'bör unsà imbuur. Wée mwan baal a un'kaar a nsaay bun'bör u mbwo a ilää.

24 Apa kye anà ikok a ndaa: abun, akaar abà bà nkwa yweel. Mwey, Agar, kàfu mōṇ a Sinayi, kan'bör un'tsuüṇ:

25 nton mōṇ a Sinayi wà kà Arabi. Agar awà afwään Yelusàlem a ṇàbà nton la là un'tsuüṇ anà baan ande.

26 Wée Yelusàlem a du là nsaay, la là maa abi,

27 nton bàsòn naa:

« Man un'sak, un'kaar ikob, ngye mbuur mpa kàbōrà!

Sà in'kwēṇ a un'sak, ngye mbuur mpa kàyōb usaay a in'swan!

Nton baan a un'kaar awà bàwom bà mboon,

akwànaa baan a un'kaar awe anà un'dim. »

28 Wée be, atōṇ, asànaa Isak be làbà baan a ilää.

29 Wée, asànaa mwan bàbör unsà imbuur kàmēy mwan bàbör unsà Dweelà nkwaan, ya sye yà balàbal ṇàbawà.

30 Wée Ndaa Anàson itēnà aben? Abà: « Bōṇ un'syāal un'kaar anà mwan ande, nton ikwe anki naa mwan a un'syāal un'kaar uwel kwal mbwo mwey anà mwan a un'kaar a nsaay. »

31 Kyakin, aton, bi kà ibà baan a un'syaäl un'kaar anki, wëe bi ibà baan a un'kaar a nsaay.

5

Twon an'piy insaay angye bwà

¹ Klistò kitsuun nton bi ikal baar a nsaay bândandaa. Làkal anàtsim, twon lan'fàkal uboo a mpay a iso.

² Më, Pöl, më amalàkyään naa: isàkal naa bë labàmukyey bë a bë, abun Klistò ufàkal anki anà ndöj akà bë.

³ Më an'fàten naa mbuur wanswà akyey naa bun'kyey, wëe naa nde ukwey un'koon wa wanswà.

⁴ Bë, bë labà anàkaabà anà Klistò, isàkal naa bë lan'buñà balàbal abë anà un'koon. Abun kab a ngway lafakal anki amu bë.

⁵ Wëe akà bi, làkwilà abi là naa: bi kan'sà làkyän a ngwalàngwal u mbwo a Dweelà, nton bi imenà baar mwey bàbalàbal.

⁶ Kyakin, mbuur awà amu Yesu Klistò, itàkal nkyëy, itàkal ukoon nkyëy, ndaa a ngwal mwo yatey. Wëe ndaa akolàkol, yà mukal anà làkwilà u mbwo a ukwen.

⁷ Bë, bë làyikaamà ntiin ubwanàbwan, wëe nàbawà, nà kàmàlakyekà mbwo naa bë làkoon akyey ndandaa?

⁸ An'kyän a tub àmà kà man'fà anki akà Nzam awà kàlabel.

⁹ Bafàten naa: « Kindam a ful ifàfuubà mfar yanswa. »

¹⁰ Mɛ, mɛ in'we anà làkyän akà Mwol ntɔn bɛ: bɛ làsàwal anki an'kyän asin. Wɛɛ mbuur afàlatwàäl ipaay, nde asàwal ntaanàmbar, itàkal naa nde wà kà nà.

¹¹ Akà mɛ, atɔŋ, isàkal naa mɛ in'wà mufiilɔŋ ndaa iler nkyɛɛy, ntɔn nkye bàfiimeɛy ba mɛ nkwaan? Aba, ukɔŋ a kulunsi bàfàkal anki!

¹² Wɛy ba bàkal anàwal mfeɛl, ba baar bàfàsà lingyoomà uboo abɛ.

¹³ Ntɔn bɛ, atɔŋ, bɛ bàlabel mukal baar a nsaay. Kà ya akwà yàŋàtùüb anà imbuur anki. Wɛɛ wɛy bɛ làkal anà ukwen ntɔn mubay bɛ a bɛ.

¹⁴ Ntɔn ukwen a un'kɔɔn wanswà wà unsà ndaa mwey yi: « Ngye asakwen un'tɔŋ angye asanaa ngye ŋakwo. »

¹⁵ Wɛɛ isàkal naa bɛ, bɛ làbàmutàtà anà mukàkaam bɛ a bɛ, làkal kà igyɛɛŋ, naa tɛy, bɛ làyàdwa ndür bɛ a bɛ.

Iköb a Dweelà

¹⁶ Lan'wem: wɛy ngwal a Dweelà yàlasyen, waa bɛ mpa làyàfàkwey ndaa ikwen ndür.

¹⁷ Ntɔn ndür, amu ngyal a ya, ifàkyey anki Dweelà - anà Dweelà sye ufàkyey anki ndür, uboboo a ba ye anà iboör - ntɔn, indiir làkwen bɛ mukyer, bɛ làkɔɔn akyer bya.

¹⁸ Wɛɛ isàkal naa Dweelà wà muyàlasyen, bɛ làfàkal anki ungyɛl a un'kɔɔn.

¹⁹ Kyakin, bàkyàyoɔb isal a ndür: ndaa a nswen, ŋingyây anà ipasàse,

²⁰ itek, ingan, un'yiin, ful a nkyel, nkir, nkaabà, itsumbuun, un'kol, an'sye,

²¹ ilaän, ngyoör a man, in'kyom, anà indiir a tub byabi. Me amàlanaan an'tsu' asànaa kàlakyään me naa: baar bàfàsyääl bya, bàsàwal anki Imfum a Nzam.

²² Wëe le mbëj a Dweelà: ukwen, un'sak, duu, nkään a mpem, ubwan, nkyeer anàbwan, làkwikilà,

²³ làböön, ntsiim. Un'koon ufàton anki indiir abi!

²⁴ Baar abà amu Klisto, bàkyàbëerà ndür aba anà ngyal anà ilaän aya u kulunsi.

²⁵ Isàkal naa bi ibà unsà Dweelà, wëy Dweelà sye kisyen.

²⁶ Wëy bi iköön akal anà uyol, iwëy un'swey anà un'kol uboo a bi.

6

Làsëen buur abe be a be

¹ Aton, isàkal naa umwëy uboo a be kan'kyer ibii, wëy be anin'kyeel lun'suub unsà làböön lan-swà. Kal kà igyëen: nkye ngye sye akwe anki abu' unsà ndëb?

² Laseen buur abe be a be, abun be làsàkwey un'koon a Klisto.

³ Nton, mbuur usàsi naa nde wà mbuur a mfun, kyekà nde wà ipfal, nde kan'kur nde ñakwo.

⁴ Wëy mbuur mbuur usyebà isal ande ñakwo. Isàkal naa nde aswan ngaal nton kya, nde ya aswan nton nde mpel, wëe kà nton mbuur asin anki.

⁵ Ntɔn mbuur mbuur asàtòöm buur ande, nde ɲakwo.

⁶ Wey mbuur awà ban'lon Ndaa, upe ndam a indiir ande byanswà akà un'lon ande.

⁷ Twon lan'kur be ɲakwo: Nzam ufàkyey anki naa bun'se. Mbuur wanswà asàbwo indiir kàkòñ nde.

⁸ Mbuur afàkɔn ntɔn ndür ande ɲakwo, asàbwo sye bya ifàbɔr ndür: mböñ. Mbuur afàkɔn ntɔn Dweelà, asàbwo bya ufàbɔr Dweelà: möö a mbul a in'tye.

⁹ Wey bi ikyer ubwan ukɔɔn ayɔn, ntɔn, utaan aɲàbwan, bi ikyer asàbwo, isàkal naa bi iyɔn anki.

¹⁰ Abun, ibà bi pà anà taan, wey bi ikyer ndaa aɲàbwan ntɔn baar banswà, sin sin baar ibà bi anà ba lakwikilà lāmwey.

Nswɛɛɲ a ntsüü anà mbɔr

¹¹ Laler isɔn an'kol an'kol bi, me amàlasöön kà an'kɔɔ amɛ ɲakwo.

¹² Bye anà baar bàfàkyey uyɔl unsà ndür, ba bà baar bàfàkwen mukàlasiinà a ngwal ntɔn bàlakyey. Ba bàkwen anki naa bameey nkwaan ntɔn kulunsi a Klistɔ.

¹³ Ntɔn baar nsil aban bàfàkyey naa bakyey, ba un'kɔɔn bàfàsyääl anki. Ba bàfàkwen naa bàlakyey ntɔn ba bàswɛɲ ngaal ntɔn ndür abe.

¹⁴ Akà me, ɲaa, ngaal amɛ yà unsà kulunsi a Mwol abi Yesu Klistɔ. Ntɔn amu la, meen mǎɲàbɛerà u kulunsi ntɔn me, asànaa me ntɔn meen.

¹⁵ Kyakin, ndaa a ngwal kà nkyeey anki, itàkal uköön nkyeey: wée ndaa a ngwal yà mukal ikyeer akuñ.

¹⁶ Akà baar banswà báfàsyääl nswéen, wey duu anà ubwan a Nzam màkal anà ba, anà udu a Isàlèl a Nzam.

¹⁷ Fa apanà, wey mbuur mwey uköön akameey an'kyeey, ntön me in'we anà inyem a Yesu u ndür amé.

¹⁸ Wey kab a ngway a Mwol abi Yesu Klistò làkal anà dweelà abe aton banswà. Wöwöö.

Bible Iyansi

The New Testament in the Yansi language of the Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f